



Bosnia and Herzegovina
Federation of Bosnia and Herzegovina

**CANTON SARAJEVO
ASSEMBLY**

Na osnovu člana 12. tačka e) i člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04, 6/13 i 31/17), čl. 3. i 6. Zakona o ustanovama („Službene novine RBiH", br. 6/92, 8/93 i 13/94), a u vezi sa čl. 50. i 51. Zakona o dopunskim pravima boraca - branitelja BiH (Službene novine Kantona Sarajevo", br. 45/12 - Prečišćeni tekst, 26/14 i 46/17) Skupština Kantona Sarajevo na sjednici održanoj dana 27.02.2019. godine donijela je

ODLUKU

**O IZMJENI ODLUKE O DAVANJU SAGLASNOSTI O STATUSNOJ PROMJENI FONDA
KANTONA SARAJEVO ZA IZGRADNJU I OČUVANJE GROBALJA ŠEHIDA I POGINULIH
BORACA, MEMORIJALNIH CENTARA I SPOMEN OBILJEŽJA ŽRTAVA GENOCIDA**

Član 1.

(Izmjena naziva Odluke)

U Odluci o davanju saglasnosti o statusnoj promjeni Fonda Kantona Sarajevo za izgradnju i očuvanje grobalja šehida i poginulih boraca, memorijalnih centara i spomen obilježja žrtava genocida („Službene novine Kantona Sarajevo", broj 28/18) mijenja se naziv odluke i isti glasi: „Odluka o osnivanju Javne ustanove „Fond Memorijala Kantona Sarajevo"."

U članu 1. stav (2) se mjenja i isti glasi:

„Ovom odlukom osniva se Javna ustanova „Fond Memorijala Kantona Sarajevo", preuzimaju prava i obaveze osnivača i usklađivanje organizacije i poslovanja Fonda iz stava (1) ovog člana sa odredbama Zakona o ustanovama („Službeni list RBiH", br. 6/92, 8/93 i 13/94)."

Član 2.

(Stupanje na snagu)

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj: 01-05-5261/19
27.02.2019.godine
SARAJEVO



**PREDSJEDAJUĆI
SKUPŠTINE KANTONA SARAJEVO**

Medin Konaković
Medin Konaković



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044,
Fax: + 387 (0) 33 562-210
Sarajevo, Reisa Džemaludina Čauševića 1





Na osnovu člana 12. tačka e) i člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04, 6/13 i 31/17), čl. 3. i 6. Zakona o ustanovama ("Službene novine RBiH", br. 6/92, 8/93 i 13/94), a u vezi sa čl. 50. i 51. Zakona o dopunskim pravima boraca – branitelja BiH (Službene novine Kantona Sarajevo", br. 45/12 – Prečišćeni tekst, 26/14 i 46/17) Skupština Kantona Sarajevo na sjednici održanoj dana 26.06.2018. godine, donijela je

ODLUKU
O DAVANJU SAGLASNOSTI O STATUSNOJ PROMJENI FONDA KANTONA SARAJEVO ZA IZGRADNJU I OČUVANJE GROBALJA ŠEHIDA I POGINULIH BORACA, MEMORIJALNIH CENTARA I SPOMEN OBILJEŽJA ŽRTAVA GENOCIDA

DIO PRVI – UVODNI DIO

Član 1.
(Osnivač i status ustanove)

- (1) Skupština Kantona Sarajevo (u daljnjem tekstu: Osnivač) je osnivač Fonda Kantona Sarajevo za izgradnju i očuvanje grobalja šehida i poginulih boraca, memorijalnih centara i spomen obilježja žrtava genocida.
- (2) Ovom odlukom daje se saglasnost o statusnoj promjeni Fonda Kantona Sarajevo za izgradnju i očuvanje grobalja šehida i poginulih boraca, memorijalnih centara i spomen obilježja žrtava genocida, preuzimanju prava i obaveza Osnivača i usklađivanju organizacije i poslovanja Fonda sa odredbama Zakona o ustanovama ("Službeni list RBiH", br. 6/92, 8/93 i 13/94).

Član 2.
(Naziv i sjedište javne ustanove)

- (1) Fond iz člana 1. stav (1) ove odluke nastavlja sa radom i posluje pod nazivom : Javna ustanova "Fond Memorijala Kantona Sarajevo" (u daljnjem tekstu: Fond Memorijala), u državnoj svojini.
- (2) Sjedište Fonda Memorijala je u Sarajevu, ulica Širokac 22, Kovači.

Član 3.
(Status pravnog lica)

Fond Memorijala ima svojstvo pravnog lica i upisuje se u sudski registar kod nadležnog suda u Sarajevu.



Član 4.
(Djelatnost)

Djelatnost Fonda Memorijala je:

- a) izgradnja i uređenje grobalja šehida i poginulih boraca pripadnika Oružanih snaga BiH, spomen kompleksa, memorijalnih centara i spomen – obilježja žrtava genocida;
- b) djelatnosti javnih subjekata koji pružaju obrazovne, kulturne i druge društvene usluge, osim obaveznog socijalnog osiguranja;
- c) izrada i postavljanje muzejskih zbirki i izložbi;
- d) očuvanje i rekonstrukcija historijskih mjesta i građevina te sličnih mjesta za posjetioce iz perioda odbrambeno-oslobodilačkog rata 1992-1995, narodno- oslobodilačkog rata 1941-1945 i antifašizma;
- e) ratni turizam iz perioda odbrambeno-oslobodilačkog rata 1992-1995 u svrhu razgledanja ili povjesnih proučavanja;
- f) izdavačka djelatnost - priprema i izdavanje publikacija, audio i video zapisa, knjiga i naučnih radova iz perioda odbrambeno-oslobodilačkog rata 1992-1995;
- g) vršenje i drugih stručnih poslova utvrđenih zakonom i drugim propisima, odlukama Vlade Kantona Sarajevo (u daljnjem tekstu: Vlada) i Skupštine Kantona Sarajevo (u daljnjem tekstu: Skupština).

Član 5.
(Šifre djelatnosti)

(1) Šifre djelatnosti Fonda Memorijala utvrđuju se prema Odluci o klasifikaciji djelatnosti BiH 2010 ("Službeni glasnik BiH", broj 47/10) i to kako slijedi:

- 81.30. – djelatnost uređenja i održavanja zelenih površina – sadnja, uređenje, održavanje grobalja
- 84.12. - djelatnost javnih subjekata koji pružaju obrazovne, kulturne i druge društvene usluge, osim obaveznog socijalnog osiguranja
- 91.02.- djelatnost muzejskih zbirki i izložbi
- 91.03 - očuvanje i rekonstrukcija istorijskih mjesta i zgrada
- 58.1 - izdavačka djelatnost.

Član 6.
(Pravila Fonda Memorijala)

(1) Pravila su osnovni opći akt Fonda Memorijala koji donosi Upravni odbor uz saglasnost Osnivača.

(2) Pravilima Fonda Memorijala se uređuju osnovna pitanja vezana za rad Fonda Memorijala i to kako slijedi:

- a) naziv i sjedište Osnivača;
- b) naziv i sjedište Fonda Memorijala;
- c) djelatnost Fonda Memorijala;
- d) izvore i načine obezbjeđenja sredstava za rad Fonda Memorijala;



- e) način raspolaganja viškom prihoda nad rashodima i način na koji se pokriva višak rashoda nad приходima;
- f) prava i obaveze Osnivača u pogledu obavljanja djelatnosti zbog koje je Fond Memorijala osnovan;
- g) međusobna prava i obaveze Fonda Memorijala i Osnivača;
- h) imenovanje direktora i organa upravljanja Fonda Memorijala;
- i) stručna tijela Fonda Memorijala, mandat članova stručnih tijela, način izbora i finansiranje;
- j) lice koje će do imenovanja direktora Fonda Memorijala obavljati poslove i vršiti ovlaštenje direktora;
- k) druga pitanja od značaja za rad Fonda Memorijala utvrđena zakonom i drugim propisima.

Član 7.

(Statusne promjene i promjena djelatnosti)

Fond Memorijala ne može vršiti bilo kakve statusne promjene bez saglasnosti Osnivača.

Član 8.

(Prava i obaveza Fonda Memorijala)

(1) Danom stupanja na snagu ove odluke, Fond Memorijala zadržava objekte i opremu na korišćenje, radnike, kao i sva prava i obaveze Fonda Kantona Sarajevo za izgradnju i očuvanje grobalja šehida i poginulih boraca, memorijalnih centara i spomen obilježja žrtava genocida.

(2) Objekti i oprema iz stava (1) ovog člana su svojina Osnivača.

Član 9.

(Upravljanje)

Fondu Memorijala se povjerava na upravljanje:

- a) Memorijalni kompleks Kovači koji je proglašen područjem od javnog interesa za Kanton Sarajevo,
- b) Spomenički kompleks "Tunel Dobrinja – Butmir" koji je proglašen zaštićenim dobrom baštine II kategorije.

Član 10.

(Korišćenje prostora)

Fondu Memorijala se povjerava na korišćenje, zaštitu i održavanje Ratna džamija na planini Igman koja je proglašena dobrom baštine.

Član 11.

(Sredstva rada)

Sredstava za rad i razvoj Fond Memorijala ostvaruje:

- a) iz sredstava Osnivača,



web: <http://skupstina.ks.gov.ba>
e-mail: sks@ks.gov.ba
Tel: + 387 (0) 33 562-055, Fax: + 387 (0) 33 562-210
Sarajevo, Reisa Džemaludina Čauševića 1



- b) iz sredstava budžeta Federacije Bosne i Hercegovine, kantona, odnosno jedinica lokalne samouprave,
- c) iz vlastitih sredstava Fonda Memorijala,
- d) iz donacija,
- e) iz legata, poklona, zavještanja,
- f) iz drugih izvora na način i pod uvjetima određenim zakonom i Pravilima Fonda Memorijala.

Član 12.
(Prihodi i rashodi)

Pravilima Fonda Memorijala reguliše se način raspolaganja viškom prihoda nad rashodima kao i način na koji se pokriva višak rashoda nad приходima.

Član 13.
(Način raspolaganja sredstvima)

Fond Memorijala raspolaže sredstvima u skladu sa Zakonom o izvršenju Budžeta Kantona Sarajevo i drugim zakonskim i podzakonskim aktima.

Član 14.
(Finansijsko poslovanje)

Finansijsko poslovanje Fonda Memorijala vrši se u skladu sa propisima koji regulišu trezorsko poslovanje.

Član 15.
(Pravni poslovi)

Fond Memorijala ima pravo da u pravnom prometu zaključuje ugovore i vrši druge poslove i radnje u okviru svoje pravne sposobnosti i registrovane djelatnosti.

Član 16.
(Prava radnika)

Radnici Fonda Memorijala ostvaruju svoja prava u skladu sa zakonom, Pravilima Fonda Memorijala i Općim kolektivnim ugovorom i drugim pojedinačnim i općim aktima Fonda Memorijala.

Član 17.
(Odgovornost za obaveze)

Fond Memorijala je odgovoran za svoje obaveze imovinom kojom raspolaže – potpuna odgovornost.



web: <http://skupstina.ks.gov.ba>
e-mail: sks@ks.gov.ba
Tel: + 387 (0) 33 562-055, Fax: + 387 (0) 33 562-210
Sarajevo, Reisa Džemaludina Čauševića 1



DIO DRUGI – ODGOVORNOST I OBAVEZE FONDA MEMORIJALA PREMA OSNIVAČU

Član 18.

(Odgovornost i obaveze prema Osnivaču)

(1) Fond Memorijala je odgovoran osnivaču za rezultate svoga rada i djelovanja u svim oblastima za koje je nadležan.

(2) Obaveze Fonda Memorijala prema Osnivaču su:

- a) da pribavi saglasnost Osnivača kod svih statusnih promjena Fonda Memorijala;
- b) da pribavi saglasnost Osnivača kod donošenja Pravila Fonda Memorijala;
- c) da pribavi saglasnost Osnivača kod godišnjeg programa rada sa finansijskim planom;
- d) da najmanje jednom godišnje podnosi Osnivaču izvještaj o radu i finansijskom poslovanju Fonda Memorijala, koji sadrži: izvještaj o izvršenju godišnjeg programa rada, izvještaj o finansijskom poslovanju, izvještaj o radu Upravnog odbora, izvještaj o radu direktora i izvještaj o radu Nadzornog odbora;
- e) da pribavi saglasnost Osnivača kod proširenja i promjene djelatnosti Fonda Memorijala;
- f) da pribavi saglasnost Vlade, a na prijedlog Ministarstva u postupku donošenja Pravilnika o unutrašnjoj organizaciji i sistematizaciji radnih mjesta;
- g) druge obaveze utvrđene zakonom i drugim propisima.

DIO TREĆI – ORGANI UPRAVLJANJA, RUKOVOĐENJA I KONTROLE POSLOVANJA

Član 19.

(Upravni odbor)

(1) Organ upravljanja u Fondu Memorijala je Upravni odbor.

(2) Djelokrug Upravnog odbora je:

- a) donošenje Pravila Fonda Memorijala;
- b) imenovanje i razrješenje direktora odnosno v.d. direktora Fonda Memorijala;
- c) utvrđivanje planova rada i razvoja Fonda Memorijala;
- d) utvrđivanje godišnjeg programa rada;
- e) donošenje finansijskog plana i usvajanje godišnjeg obračuna;
- f) donošenje općih akata o unutrašnjem uređenju i sistematizaciji poslova i drugih općih akata, u skladu sa zakonom i Pravilima Fonda Memorijala;
- g) odlučivanje o svim pitanjima obavljanja djelatnosti radi kojih je Fond Memorijala osnovan, ako zakonom nije određeno da o određenim pitanjima odlučuje drugi organ Fonda Memorijala;
- h) usmjeravanje, kontrolisanje i ocjenjivanje rada Fonda Memorijala;
- i) rješavanje svih pitanja odnosa sa Osnivačem;
- j) odlučivanje o korišćenju sredstava preko iznosa utvrđenog Pravilima Fonda Memorijala;
- k) odgovornost Osnivaču za rezultate rada Fonda Memorijala;



web: <http://skupstina.ks.gov.ba>
e-mail: sks@ks.gov.ba
Tel: + 387 (0) 33 562-055, Fax: + 387 (0) 33 562-210
Sarajevo, Reisa Džemaludina Čauševića 1



- l) odlučivanje o prigovoru radnika na rješenja kojim je drugi organ, određen Pravilima Fonda Memorijala, odlučio o pravu, obavezi i odgovornosti radnika iz radnog odnosa;
- m) podnošenje Osnivaču najmanje jedanput godišnje izvještaja o poslovanju Fonda Memorijala;
- n) redovno dostavljanje Ministarstvu zapisnika sa održanih sjednica Upravnog odbora;
- o) obavljanje i drugih poslova u skladu sa zakonom i Pravilima Fonda Memorijala.

(3) Predsjednika i članove Upravnog odbora imenuje i razrješava Vlada na prijedlog Ministarstva, uz ravnopravnu zastupljenost oba spola, na način i u skladu sa zakonom.

(4) Upravni odbor ima pet članova i čine ga predstavnici:

- a) Osnivača – četiri člana, od kojih je jedan ispred Ministarstva,
- b) stručnih radnika Fonda Memorijala – jedan član.

(5) Mandat predsjednika i članova Upravnog odbora traje četiri godine i mogu biti ponovo imenovani.

(6) Predsjednik i članovi Upravnog odbora Fonda Memorijala imenuju se u proceduri u skladu sa Zakonom o ministarskim, vladinim i drugim imenovanjima Federacije Bosne i Hercegovine (" Službene novine Federacije BiH", br.12/03, 34/03 i 65/13).

(7) Način izbora, opoziva i mandat predsjednika i članova Upravnog odbora Fonda Memorijala, vrši se u skladu sa standardima i kriterijima za imenovanje članova Upravnog odbora koji će se utvrditi posebnom odlukom Vlade.

(8) Predsjednik i članovi aktuelnog saziva Upravnog odbora, stupanjem na snagu ove odluke, nastavljaju sa radom do isteka mandata na koji su imenovani.

Član 20. (Direktor)

(1) Organ rukovođenja u Fondu Memorijala je direktor, koji organizira i vodi poslovanje, predstavlja i zastupa Fond Memorijala i odgovoran je za zakonitost rada Fonda Memorijala.

(2) Direktor Fonda Memorijala imenuje se na osnovu javnog oglasa, u skladu sa zakonom.

(3) Direktora imenuje i razrješava Upravni odbor uz saglasnost Vlade, na način i u skladu sa zakonom i Pravilima Fonda Memorijala.

(4) Uvjeti za imenovanje direktora utvrđuju se u Pravilima Fonda Memorijala.

(5) Direktor se može razriješiti i prije isteka mandata na koji je imenovan u slučajevima propisanim zakonom i Pravilima Fonda Memorijala, kao i u slučajevima iz člana 22. stav (1) ove odluke.

(6) Direktor učestvuje u radu Upravnog odbora, bez prava glasa.

(7) Mandat direktora traje četiri godine.

(8) Po isteku mandata, isto lice može, na osnovu javnog oglasa, ponovo biti imenovano za direktora Fonda Memorijala, ali najviše za još jedan mandatni period.

(9) Ukoliko direktor Fonda Memorijala nije imenovan u skladu sa zakonom u roku od 60 dana od isteka konkursnog roka, kao i drugim slučajevima prestanka mandata direktora, odluku o postavljanju vršioca dužnosti direktora donosi Upravni odbor, najduže na period do šest mjeseci, a u skladu sa zakonom i Pravilima Fonda Memorijala.



Član 21.
(Nadzorni odbor)

- (1) Organ kontrole poslovanja u Fondu Memorijala je Nadzorni odbor.
- (2) Djelokrug Nadzornog odbora je da:
 - a) analizira izvještaj o poslovanju Fonda;
 - b) u vršenju nadzora nad upotrebom sredstava za rad pregleda godišnji izvještaj o poslovanju i godišnji obračun;
 - c) pregleda i provjerava urednost i zakonitost vođenja poslovnih knjiga;
 - d) izvještava Osnivača, Upravni odbor i direktora o rezultatima nadzora.
- (3) Predsjednika i članove Nadzornog odbora imenuje i razrješava Vlada, na prijedlog Ministarstva, uz ravnopravnu zastupljenost oba spola, na način i u skladu sa zakonom i drugim propisima.
- (4) Nadzorni odbor ima tri člana od kojih se najmanje jedan imenuje iz reda stručnih radnika zaposlenih u Fondu Memorijala.
- (5) Mandat predsjednika i članova Nadzornog odbora traje četiri godine i mogu biti ponovo imenovani.
- (6) Predsjednik i članovi Nadzornog odbora Fonda Memorijala imenuju se i razrješavaju po proceduri u skladu sa Zakonom o ministarskim, vladinim i drugim imenovanjima Federacije Bosane i Hercegovine (" Službene novine Federacije BiH", br.12/03, 34/03 i 65/13).
- (7) Način izbora, opoziva i mandat predsjednika i članova Nadzornog odbora Fonda Memorijala, vrši se u skladu sa standardima i kriterijima za imenovanje članova Nadzornog odbora koji će se utvrditi posebnom odlukom Vlade.

Član 22.
(Slučajevi razrješenja)

- (1) Vlada razrješava predsjednike i članove Upravnog i Nadzornog odbora Fonda Memorijala i prije isteka mandata na koji su imenovani u sljedećim slučajevima:
 - a) ako utvrdi da su odgovorni za neuspješan ili nezakonit rad Fonda Memorijala,
 - b) ako je Fond Memorijala poslovao sa gubitkom 2 (dvije) godine uzastopno,
 - c) na njihov lični zahtjev,
 - d) ako Skupština ne usvoji godišnji izvještaj o radu i finansijskom poslovanju Fonda Memorijala,
 - e) u drugim slučajevima utvrđenim zakonom i Pravilima Fonda Memorijala.
- (2) Procedura usvajanja izvještaja o radu i finansijskom poslovanju ustanove, posljedice mogućeg neusvajanja navedenih akata, kao postupak i način razrješenja predsjednika i članova Upravnog i Nadzornog odbora Fonda Memorijala i direktora, precizira se Pravilima Fonda Memorijala.

DIO ČETVRTI – PRELAZNE I ZAVRŠNE ODREDBE

Član 23.
(Obaveza donošenja Pravila)

Upravni odbor je obavezan da, u roku tri mjeseca od dana stupanja na snagu ove odluke, donese Pravila Fonda Memorijala u skladu zakonom i ovom odlukom.



web: <http://skupstina.ks.gov.ba>
e-mail: sk@ks.gov.ba
Tel: + 387 (0) 33 562-055, Fax: + 387 (0) 33 562-210
Sarajevo, Reisa Džemaludina Čauševića 1



Član 24.
(Nadzor)

Nadzor nad zakonitošću rada Fonda Memorijala vrši Ministarstvo.

Član 25.
(Upis u sudski registar)

Fond Memorijala je obavezan da u roku 30 dana od dana stupanja na snagu ove odluke podnese prijavu radi upisa Fonda Memorijala u sudski registar koji se vodi kod Kantonalnog suda u Sarajevu.

Član 26.
(Prelazne odredbe)

- (1) Danom stupanja na snagu ove odluke Fond Memorijala nastavlja sa radom i novim djelokrugom rada i nazivom.
- (2) Fond Memorijala je pravni sljedbenik Fonda Kantona Sarajevo za izgradnju i očuvanje grobalja šehida i poginulih boraca, memorijalnih centara i spomen obilježja žrtava genocida osnovanog Odlukom o osnivanju Fonda Kantona Sarajevo za zaštitu i održavanje grobalja šehida i poginulih boraca, memorijalnih centara i spomen- obilježja žrtava genocida ("Službene novine Kantona Sarajevo" broj 28/04 – Prečišćeni tekst, 5/05-Ispravka, 9/06 i 31/07) te u tom svojstvu preuzima radnike, arhivu, dokumentaciju i sredstva za rad, odnosno sva prava i obaveze koji je raniji Fond imao na dan stupanja na snagu ove odluke.
- (3) Danom stupanja na snagu ove odluke, direktor i drugi radnici Fonda Memorijala nastavljaju obavljati svoje poslove i zadatke, u skladu sa ugovorom o radu, koji je neophodno uskladiti sa odredbama ove odluke.
- (4) Danom stupanja na snagu ove odluke direktor Fonda Kantona Sarajevo za izgradnju i očuvanje grobalja šehida i poginulih boraca, memorijalnih centara i spomen obilježja žrtava genocida nastavlja obavljati poslove direktora Fonda Memorijala, kao javne ustanove.

Član 27.
(Prestanak važenja ranijeg propisa)

Stupanjem na snagu ove odluke, stavlja se van snage Odluka o osnivanju Fonda Kantona Sarajevo za zaštitu i održavanje grobalja šehida i poginulih boraca, memorijalnih centara i spomen- obilježja žrtava genocida ("Službene novine Kantona Sarajevo" broj 28/04 – Prečišćeni tekst, 5/05-Ispravka, 9/06 i 31/07).



web: <http://skupstina.ks.gov.ba>
e-mail: sks@ks.gov.ba
Tel: + 387 (0) 33 562-055, Fax: + 387 (0) 33 562-210
Sarajevo, Reisa Džemaludina Čauševića 1



Član 28.
(Stupanje na snagu)

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj:01-05-26183/18
26.06.2018. godine
SARAJEVO



PREDSJEDATELJICA
SKUPŠTINE KANTONA SARAJEVO

Prof. Ana Babić



web: <http://skupstina.ks.gov.ba>
e-mail: sks@ks.gov.ba
Tel: + 387 (0) 33 562-055, Fax: + 387 (0) 33 562-210
Sarajevo, Reisa Džemaludina Čauševića 1

